

loetogoinameg, meta tan plamo gelalolenotj, tōgo aglasieo oapg nengatotj maoi mtoeg tap teli pgoatatj, istege oen getoi eptagnōtjel. Pel tōg pōgtag notema.

Tisemplōg 28 tes. 1888 tllisip migmag inog maoitapenig oetjategemg amlamgog ag oegoō ōgoatenog elategemg otijt ogisi maogoaneo negla totjio oetjategemgeg neoipenig Inoi sagmagig eigig negla potosoagneg ag mset ogoaonslemoa gegonatipeni ag tan otantjijtel tan Inoi sagmao mo eimog gaonsel oetjiet neogtetjiet gisna tapositjig pileieoatotip angoamgeoei solianeoei ag eloitemasogtemitip neogtetjitel tjinemol na malteo solianeoei negla oetjategemgeg tlliti ignematimgeg glapis negla totjioa na maogoamger ei me gisgog gegonemeg 1894 (etog 1794) totjio gepelnōleoitjig gisi agnotemotepenig mōgoe megtemitigop me nalaiol tjinemag oetjipepenag gepelnōleoitog totjio oesoatōgepen solianeoei oigatigen menoigegpen ag geoa goigegpen oigisi Imaton gepelnōleoitog ag elmatōgopinegel, ma nogo nige ninen teleieg Inoi sagmao gōgoei tetapoteg gisna tetapoi glositj na mesneg. NIN ANTJ.

LISTOGOTJG—19, 20, 21,—neoisgag atjietoei pemiagsep alasotnagan, oestaolg mospit tepgig ag nagoeg negao siaoi mitogoalot ag tapo giotōgoalot. Piamio 300 gemnieoltipenig.

GENTPILG—18—22 tesogonitjtjona—tllisip maoi alasotmaten, ginamatiten, ginamatiten ag maoi agnotematiten.

PIGOPG—5-8 tes.—ngotei maoi alasotmaten.

POGEMGEG—me 22—tjinem gisnogoat Noel Gepel tjel mōgoe pegataoi gotjema. Ag mimatjoinog mili alto-glilitjig, tapositjig tjinemog Toma Solian ag Antle Pal na negmōoa egi-

tametjig getanatitji etōgaso, neogtetjgeg nagoeg tapogol pasgitel oatjoatitel na nctoisgeg gmatatjig na pegotelemititjel pōgmatigenatgemoal egitamemgeol, ag tjel lōg mili angisgatigel egola alioogotag oiltitjel tanel tetpitalatj omegnapiil ag megj patelemititjel na neogtetjiet tjinem gagegaletj tan teli pgoatelg pōgmatigenaagem ag nespio eolilelgetj gtjigantjijig na tjel ogosiatōg eogao pegising oigoaga tjel na pegnatigel ogatela. NIN T. P.

#### NEPGIG

SPNIL TJANSENGA gisigoisgōg nepgag 2 iteg meō Noel Ponis otepitema, tōgo mōgoe patliasamigoag ag menag pag oimgeoei g wesnemogeg, lōg ngasi nepgag. Egentieoimgeg lōg olegepenag ogoamlamon nepatj oigoetj apji oigoettag, lōg patliasa getoi nemiatā gato mo telitasimeg tli ngasinpeteo. Smtog gtegeg epitag npegnag Malian Lapōp teloisitag, mōgoe negemag elt opatliasemigag meta nipvgtog etli npegag, Noel Silipai otepitema.

SGENOOPEITITJG tetli npegag nesogoniteg tevg Piel Paltapōgōg; elp 15 tes. Pōl Telle otepitema nepelita.

OGPIGANTJITG 5 tes. Malian Pōlōg nepgenag gisigo Toma Soasen oigmatja otgotaltimgoei alames mesneg 22 iteg tepg. natji ignematjel Piel Pō ōg otepitemela.

PIOGTOG—8 tes. pageoimgeoei tepg.—Toma Plansoe otosag nepenag Elentjijōg.

NATOAGNEG—18 epla—Misel oenotjōg nepgenag na sigosgol otepitemel naglapen ag onitjan neolitji. Na eoletjiet epit maotōgōp solieoetjij \$10.25 ogisi apangtemen gagōtememgeol; na tjinem gōltaosg oetjiet tōmes maltn teloisit pisgoat ola gisigoisgoal oiga na goilotemoatj tapoageoei